

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 138. stav 1. i članom 139. stav 1. Poslovnika Skupštine Zeničko-dobojskog kantona-Treći prečišćeni tekst („Službene novine Zeničko-dobojskog kantona“, broj: 14/18, 18/18-isp., 7/19 i 7/20), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 95. sjednici, održanoj dana 24.02.2021. godine, d o n o s i

ZAKLJUČAK

I.

Vlada Zeničko-dobojskog kantona ne prihvata Amandman II poslanika Enesa Piljuga u Skupštini Zeničko-dobojskog kantona, na Prijedlog Zakona o izmjenama i dopunama Zakona o šumama.

II.

Zaključak sa obrazloženjem u kome su sadržani razlozi zbog koji se ne prihvata Amandman II upućuje se u dalju skupštinsku proceduru.

III.

Zaključak stupa na snagu danom donošenja.

PREMIJER

po Odluci predsjedavajućeg Skupštine

Mirnes Bašić

Broj: 02-_____/21

Datum, 24.02.2021. godine

Zenica

DOSTAVLJENO:

1x Ministarstvo za poljoprivredu, šumarstvo i
vodoprivredu,

1x Stručna služba Skupštine,

1x a/a.

Obrazloženje

I PRAVNI OSNOV:

Član 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“ broj: 7/10), a u vezi sa članom 138. stav 1. i članom 139. stav 1. Poslovnika Skupštine Zeničko-dobojskog kantona-Treći prečišćeni tekst („Službene novine Zeničko-dobojskog kantona“, broj: 14/18, 18/18-isp., 7/19 i 7/20).

II RAZLOZI ZA DONOŠENJE:

Aktom Stručne službe Skupštine Zeničko-dobojskog kantona broj: 01-02-1402-2/21 od 23.02.2021. godine, zaprimljen u Ministarstvo za poljoprivredu, šumarstvo i vodoprivredu elektronskom poštom dana 23.02.2021. godine, od Vlade Zeničko-dobojskog kantona traženo je Izjašnjenje na Amandman I i II poslanika Enesa Piljuga, podnesen na Prijedlog Zakona o izmjenama i dopunama Zakona o šumama. Istog dana, Stručna služba Vlade Zeničko-dobojskog kantona elektronskom poštom uputila je u Ministarstvo za poljoprivredu, šumarstvo i vodoprivredu Amnadmane I i II. Amandaman II glasi:

AMANDMAN II

„Član 46. Uspostava prava služnosti

U Prijedlogu Zakona o izmjenama i dopunama Zakona o šumama brisati član 4. (Izmjena i dopuna člana 46. Zakona)

U članu 46. Dodadašnji stavovi 1.2.3.4.5. i 6 ostaju nepromijenjeni.“

Obzirom da se u šumi i šumskom zemljištu u državnom vlasništvu nalaze izgrađeni pristupni putevi za nesmetano gospodarenje šumom i šumskim zemljištem, da je odredbom člana 5. tačkom e) Pravilnika o uslovima i načinu davanja šumskog zemljišta u zakup i uspostavi prava služnosti („Službene novine Zeničko-dobojskog kantona“, broj: 3/14) (u daljem tekstu: Pravilnik), propisano da se na šumskom zemljištu može uspostaviti pravo služnosti puta izgrađenog u šumi i šumskom zemljištu, ovo Ministarstvo je predložilo izmjenu i dopunu člana 46. stav (1) Zakona o šumama. Članom 3. tačkom 23. Zakona data je definicija šumske infrastrukture, koju čine i šumski putevi, a koji su namijenjeni za gospodarenje i zaštitu šuma. Donošenjem rješenja i zaključivanja ugovora o uspostavi prava služnosti na državnom šumskom zemljištu, posnosioci zahtjeva za uspostavu prava služnosti se uvode u zakonito korištenje šumskih puteva za što plaćaju naknadu za nastalu štetu i naknadu za uspostavu prava služnosti. Shodno tome, ne otvara se mogućnost zloupotrebe korištenja šumskih puteva od strane korisnika (fizičkih i pravnih subjekata) u cilju pristupa njihovim parcelama ili objektima.

U vezi sa navedenim, Ministarstvo za poljoprivredu, šumarstvo i vodoprivredu, predlaže Vladi Zeničko-dobojskog kantona da donese zaključak, kao u Prijedlogu.